



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

**Luxemburgi, 1740**

CLVIII. Confirmatio separationis quorundam Conventuum cum Residentia  
a Provincia S. Andreæ, eorumque unio Provinciæ Flandriæ Ord. Min. de  
Obser. Recollectorum.

---

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)



Fides habenda transmissis.

si fecus super his a quoquam quavis auctoritate scienter, vel ignoranter contigerit attentari. Non obstantibus Constitutionibus, & Ordinationibus Apostolicis, necnon omnibus, & singulis illis, quæ dictus Clemens in supradictis literis concessit non obstare, ceterisque contrariis quibuscumque.

§. 4. Volumus autem, quod præsentium literarum transumptis, etiam impressis, manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem prorsus fides ubique locorum tam in Judicio, quam extra illud habeatur, quæ haberetur ipsis præsentibus, si forent exhibitæ, vel ostensa.

Datum Romæ apud Sanctam Mariam Majoram sub Annulo Piscatoris die XXVIII. Augusti MDCCLXXVII. Pontificatus Nostri Anno IV.

CLVIII.

Confirmantur Literæ Apostolicæ in forma Brevis super separatione trium Conventuum cum Residentia a Provincia S. Andree; eorumque unione Provincie Flandriæ Ordinis Minorum de Observ. Recollectorum.

Laudata litera ab eodem Pontifice edita fuerunt 1726. Oñ. 12. P. 3.

Dat. 30. Aug. 1727. An. 4.

BENEDICTUS PAPA XIII.

Ad futuram rei memoriam.

Plurimi Conventus inter Bello-rum tumultus a Provincia Flandriæ dismembrati; & Provincis S. Antonii in Artesia, & S. Andree uniti.

§. 1. Alias pro parte Dilecti Filii Guilielmi Jodoque Ministri Provincialis Provincie Flandriæ Ordinis Fratrum Minorum S. Francisci de Observantia Recollectorum nuncupatorum Nobis exposito, quod cum inter novissimos bellorum in Belgicis ditonibus sævientium tumultus, ultra viginii septem Monasteria Monialium, plures Fratrum Ordinis præfati Conventus Audomarem scilicet Biezen., Rentinen., Avelstren., Guieten., & Barbarifonien. a dicta Provincia dismembrati, & avulsi, tresque priores S. Antonii in Artesia, ac tres reliqui Conventus ejusmodi cum residentia Insulen. Sancti Andree respective Provincis ejusdem ordinis uniti, & incorporati fuissent, unde prædicta Provincia Flandriæ grave detrimentum, ac diminutionem acceperat. Fratres vero præfate Provincie S. Andree Conventus Monten., Bichien., & Tornacen. cum residentia de Pott a Canasse nuncupata sub ditione charissimi in Christo Filii nostri Caroli Hispaniarum Catholici, & Romanorum Regis in Imperatorem electi consistentes possiderent, qui nullum Ministerium Provinciale tunc agnoscebant, ac corpus ab eadem Provincia S. Andree segregatum, & divisum constituebant; ipse Guilielmo tum in compensationem memoratorum Monasteriorum, & Conventuum e sua Provincia Flandriæ dismembratorum, ut præfertur, tum pro salubri horum trium Conventuum cum ejusmodi residentia regimine, illos eidem Provincie Flandriæ uniri, & incorporari: Et quia in ipsa Provincia Flandriæ inter Fratres natione Leodienses, qui novem tantum Conventus in ea obtinebant, ac Flandros, seu aliunde oriundos, quibus dicta Provincia constabat octodecim Conventus, quatenus tres præfati illi unirentur; habituros, occasione distributionis officiorum multiplices turbæ, & discordiæ enasci consueverunt, aliquam pro perpetua dictæ Provincie quiete, æquam inter Fratres Leodienses, & Flandros prædictos Alternativam in officiis præfatis præscribi, atque stabiliri plurimum desiderabat.

Provincia S. Andree quidam conventus erant cum Residentia, qui quoddam corpus ab eadem Provincia divisum constituebant.

Hinc petitiones Ministri Provincie Flandriæ pro unione suæ Provincie horum Conventuum.

Proque Alternativa stabilienda inter Fratres Leodienses, & Flandros dictæ Provincie.

Hinc ab hoc Pontifice prædicta separatio, & respective

§. 2. Nos supplicationibus ipsius Guilielmi nomine Nobis super hoc humiliter porrectis inclinati, ac præmissis, aliisque justis ex causis Nobis notis adducti, supradictos tres Con-

ventus Monten., Bichien., & Tornacen. cum præfata residentia de Pott a Canasse a memorata Provincia S. Andree separavimus, & dismembravimus, illosque sic separatos, & dismembratos dictæ Provincie Flandriæ univimus, anneximus, & incorporavimus. Ad hæc, quod bis consecutive Minister, ac tres Definitorum ejusdem Provincie Flandriæ ex Fratribus Flandris, seu aliunde oriundis, ac tunc Custos cum uno Definitorum ex Leodiensibus eligerentur, altera autem, seu tertia vice Minister cum uno Definitorum esset ex Leodiensibus, Custos vero cum tribus Definitoribus ex Flandris, vel aliunde oriundis, sicque deinceps reliqua etiam officia dictæ Provincie æqualiter juxta numerum Conventuum utriusque Nationis distribuerentur, statuimus, atque præcepimus, & mandavimus, & alias, prout in nostris desuper in simili forma Brevis die 12. Octobris 1725. expeditis literis, quarum tenorem præsentibus pro plene, & sufficienter expresso, ac de verbo ad verbum inserto haberi volumus, uberius continetur. Ac subinde tunc existens Minister Generalis Ordinis prædicti per suas patentes literas die 23. Novembris ejusdem anni vigore facultatis sibi per Nos attributæ, editas, omnibus, & singulis Fratribus præfatorum trium Conventuum, ac residentie Filiis, seu in eis degentibus potestatem fecit sese, si vellent dictæ Provincie Flandriæ pariter uniri, & incorporandi, eosque ex tunc, ac perpetuo unitos, & incorporatos a die suscepti per eos habitus regularis declaravit, voluitque, ut perinde, & absque ulla differentia haberentur, ac si in eadem Provincia Flandriæ educati, ac professi fuissent.

§. 3. Cum autem sicut supradictus Guilielmus Nobis denuo nuper exponi fecit, antequam enarratæ literæ nostræ emanarent, lis inter utramque Provinciam ejusmodi super dismembratione, & incorporatione dictorum trium Conventuum ac tam præfata de Pott a Canasse, quam alterius residentiarum de Petteghem, etiam nuncupat. eidem Provincie Flandriæ faciendi, mota, Congregationi particularium trium ex Venerabilibus Fratribus Nostri S. R. E. Cardinalibus, ut per eos componeretur per Nos remissa fuisset, ipsique Cardinales nihil hac in re innovandum censuissent, & decrevisset, atque inscio Guilielmo prædicto, tunc existente Ministro Provinciali, ac Fratres dictæ Provincie S. Andree eorumdem Cardinalium sententiam, seu Decretum per quasdam nostras sub Plumbo editas literas approbari, & confirmari obtinuerunt, nulla vero de lite, Decreto, illiusque confirmatione, ac expeditis literis hujusmodi in primodictis literis nostris in forma Brevis mentio facta fuerit, ac proinde de illarum indeque secutorum validitate dubitari possit; Cumque primodictæ literæ nostræ nec memoratam residentiam de Petteghem, nec Monasteria Monialium, quæ a tribus Conventibus, ac residentia dictæ Provincie Flandriæ sic unitis, & incorporatis dependent, & in Dominio ejusdem Caroli Regis pariter consistunt, comprehendant; Nobis propterea dictus Guilielmus humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

§. 4. Nos igitur ipsum Guilielmum amplioris favore gratiæ prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innotatus existit ad effectum præsentium dumtaxat consequendum harum serie absolventes, & absolutum fore sententes, ac tam dicti Ministri Generalis patentium, quam nostrarum sub Plumbo literarum prædictarum tenores, & alia

Necnon Alternativa constituta per quasdam suas in forma Brevis Literas.

Causæ præfatis confirmationis, & preces prædicti Ministri Provincialis pro ea obtinenda.

quæ-



Confirmatio  
prædictarum  
Literarum in  
forma Brevis  
pro d. separa-  
tione Con-  
ventuum, &  
respective  
unione.

Uniantur in-  
super præta-  
te Provincie  
Flandriæ Re-  
sidentia qua-  
dam, ac non-  
nulla Monia-  
lium Mona-  
stera.

Clausulæ.

quæcumque, etiam specificam, & individuum mentionem, & expressionem requirunt, præsentibus itidem pro plene, & sufficienter expressis, & insertis habentes, hujusmodi supplicationibus inclinatis, supradictas nostras in pari forma Brevis, dictique Ministri Generalis patentes literas, ac separationem, & dismembrationem trium Conventuum Monten., Binchien., & Tornacen. cum residentia de Pott a Canasse a Provincia S. Andrea, illorumque, ac eorum Fratrum unionem, & incorporationem Provincie Flandriæ dicti Ordinis, aliave quæcumque inde cateroqui legitime secuta, auctoritate Apostolica, tenore præsentium confirmamus, & validamus ac valere, validaque, & efficacia existere, & fore, decernimus in omnibus; & per omnia perinde ac si in eisdem nostris in forma Brevis literis, de illis sub Plumbo antea emanatis, necnon præfatis lite. & Decreto Congregationis particularis Cardinalium specificæ, & individua mentio facta, ipsisque literis sub Plumbo sufficienter derogatum fuisset.

§. 5. Præterea residentiam de Petteghem, necnon Monasteria Monialium a dictis tribus Conventibus, ac eadem, & altera de Pott a Canasse residentis dependentia, in Dominio tamen ipsius Caroli Regis sita, a dicta Provincia S. Andrea similiter dismembramus, ac memoratæ Provincie Flandriæ uniuersis, & incorporamus, necnon facultatem, quæ dictorum trium Conventuum, & Residentia de Pott a Canasse Fratribus sese eidem Provincie Flandriæ uniuersi, & incorporandi a memorato Ministro Generali in suis patentibus præfatis, attributa fuit, sicut præmittitur, ad omnes, & singulos itidem Fratres istius residentie de Petteghem eadem auctoritate, harum serie extendimus, eisque pariformiter tribuimus, & impertimur, firma tamen, ac in suo robore remanente in reliquis, & præsertim quoad Alternativam inter Fratres Flandros, seu aliunde oriundos, ac Leodienses in distributione officiorum dictæ Provincie Flandriæ earundem nostrarum in forma Brevis literarum dispositiones.

§. 6. Decernentes quoque ipsas præsentibus literas, & in eis contenta quæcumque semper firma, valida, & efficacia existere, & fore, suisque plenarios, & integros effectus fortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari, & ab illis respective inuolubili obferuari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, iudicari, & definituri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari. Non obstantibus præmissis, ac quatenus opus sit nostræ, & Cancellariæ Apostolicæ Regula de Jure quæsito non tollendo, aliisque Constitutionibus, & Ordinationibus Apostolicis, necnon Ordinis, Provinciarum, Conuentuum, Residentiarum, & Monasteriorum prædictorum, etiam Juramento, confirmatione Apostolica, aut quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores presentibus pro plene, & sufficienter expressis, ac ad verbum insertis habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die XXX. Augusti MDCCXXVII. Pontificatus Nostri Anno IV.

Permittitur Minoribus Provincie Reformatæ Vallis de Mazzara Ordinis S. Francisci de Observantia, ut eleemosynas pecuniarias pro Missis celebrandis procurare, & recipere possint.

Alias hoc prohibitum fuerat iisdem ab Urbano VIII. Const. ed. 1642. Maji 28. P. 20.

BENEDICTUS PAPA XIII.

Ad perpetuam rei memoriam.

§. 1. **D**udum per felic. record. Urbanum Papam VIII. Prædecessorem nostrum accepto, quod in Provincia reformatæ Vallis de Mazzara nuncupat. Ordinis Fratrum Minorum Sancti Francisci de Observantia nuncupat. semper seruatum fuerat, ut nullæ pro celebrandis Missis pecuniæ reciperentur, sed Missæ gratis pro Benefactoribus juxta intentionem Superioris applicarentur; nonnulli vero laudabilem usum, & obseruantiam hujusmodi immutare, & inuertere nitentur, idem Urbanus Prædecessor turpis quæstus materiam ab illis, qui perfectam vitam profitebantur, in re præsertim adeo sacra e medio tollere pro pastoralis sua sollicitudine volens ne de catero perpetuis futuris temporibus in provincia prædicta nullæ omnino pecuniæ pro Missis celebrandis exigerentur, ac etiam sponte oblata reciperentur, sed Missæ gratis, ut consueverat, celebrarentur, sub vocis activæ, & passivæ, ac quoad Superiores etiam suorum Officiorum privationis pena eo ipso absque aliâ declaratione incurrenda, auctoritate Apostolica interdixit, & prohibuit, & alias prout in memorati Urbani Prædecessoris literis desuper in simili forma Brevis die 28. Maji 1642. expeditis, quarum tenorem præsentibus pro plene, & sufficienter expresso, ac de verbo ad verbum inserto haberi volumus, uberius continetur.

§. 2. Cum autem, sicut dilectus filius modernus Minister Provincialis dictæ Provincie Nobis nuper exponi fecit, propter imminutam Populorum illarum partium erga ejus Institutum devotionem, numerumque Religiosorum auctum ad ejusmodi eleemosynas pecuniarias modis tamen licitis, & a Constitutionibus Ordinis prædicti præscriptis conquirere necesse fuerit, ac ita a nonnullis lustris usque in præsens pie Urbani Prædecessoris literæ in usu amplius non sint, neque obseruentur, ex hac vero illarum antiqua inobseruantia in Religiosorum conscientis aliqua perturbatio, seu inquietudo exorta sit, ideoque dictus Minister Provincialis ad eas tranquillandas opportune in præmissis a Nobis provideri, & ut infra indulgeri summopere desideret.

§. 3. Nos ipsius Ministri Provincialis votis hac in re quantum cum Domino possumus, favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodatus existit ad effectum dumtaxat præsentium consequendum harum serie absolutos, & absolutum fore censentes, supplicationibus ejus nomine Nobis super hoc humiliter porrectis inclinatis, ut de catero per Fratres Provincie hujusmodi Eleemosynæ quantumvis pecuniariæ modis tamen per Sedem Apostolicam, & ab eisdem Ordinis Constitutionibus approbatis, procurari, & recipi possint, quemadmodum a toto Fratrum Reformatorum Ordine procuratas, & respective receptas fuisse

CLIX.

Dat. 20. Sept.  
1727. An. 4.

Ab Urbano VIII. interdictum ne in prædicta Provincia ullæ omnino pecuniæ pro Missis celebrandis reciperentur.

Causæ antiquæ inobseruantie Urbani VIII. Literarum, & preces Ministri Provincialis pro obtinenda præd. permissione.

Permissa prædicta.